

密用武志

卷

五

寧武府志卷之十

事考

周成王時樓煩入朝與成周之會

戰國趙肅侯築畏城盡趙北界

趙武靈王出代西遇樓煩王而致其兵

趙武靈王十六年破樓煩林胡取其地置儋林郡

漢高祖五年韓王信叛降匈奴與寇漢邊至太原七

年絳侯周勃擊韓王信於磬石破之追北八十里

還攻樓煩三城十年秋九月信與陳豨合兵寇代

寧武府志

卷之十

事考

一

雁門勃復敗之於樓煩定雁門十七縣

漢武帝元光五年正月發卒萬人治雁門險阻以止

匈奴之驅

漢景帝中六年夏六月匈奴入雁門至武泉吏卒戰

死者二千人後二年三月匈奴入雁門太守馮敬

死之

世祖建武九年驃騎將軍杜茂與雁門太守郭涼擊

盧芳將於繁峙芳將賈賢率胡騎萬餘救之茂等

戰不利引兵入樓煩城

安帝延光元年十月鮮卑寇雁門

後漢自順桓靈獻之世邊郡爲鮮卑所鈔無有寧歲  
順帝永和五年己徙西河治離石上郡治夏陽朔  
方治五原至獻帝建安二十年春乃省雲中定襄  
五原朔方四郡郡唯置一縣領其民以爲新興郡  
考新興郡在今忻代二州間蓋遷四郡之民入  
居於此而各卽其郡爲縣以領之此州郡僑置  
之最始者至曹丕時則又并雁門代郡之民亦  
徙之於內以避鮮卑

寧武府志

卷之十

事考

二

魏明帝青龍元年鮮卑軻比能誘保塞大人步度根  
使叛并州自將萬騎迎之於陁北遺其子率兵與  
并州刺史畢軌將蘇尚董弼會戰樓煩尚等敗死  
晉懷帝永嘉六年代拓跋猗盧取陁北地初并州刺  
史劉琨與猗盧相結托爲外援表爲代公猗盧乃  
從琨求勾注陁北之地琨不能制乃徙馬邑陰館  
樓煩繁峙崞五縣之民於陁南更立城邑以其地  
予之

北魏高宗和平大年春二月行 樓煩宮

顯祖皇興元年八月幸武州山

高祖延興元年五月幸武州山

太和元年四月幸崞山乙酉車駕祈雨於武州山澍

雨大澗四年五月幸火山六年三月幸武州山賜

貧老者衣服七年四月幸崞山賜鰥寡粟帛八年

幸旋鴻池遂幸崞山六月武州水壞民廬舍

魏志疑武州山卽蘆芽山而所稱幸彌澤者疑

卽彌蓮池恐未然

東魏天平二年以蘭陵公主許蠕蠕阿那瓌三年四

寧武府志

卷之十

事考

三

月阿那瓌遣使迎公主於新城之南六月齊神武

親送公主於樓煩之北厚接其使阿那瓌大喜自

此東魏邊境無事神武至天池獲瑞石隱起成文

曰六王三川

北齊文宣帝五年九月如晉陽十二月北巡至達速

嶺親覽山川險要將起長城

六年夏六月文宣親討蠕蠕甲戌諸軍大會于初連

池乙亥出塞九年六月自晉陽北巡己巳至初連

池

北齊後主緯七年十月大狩於祁連池

隋煬帝大業三年四月北巡過雁門幸啓民可汗帳  
八月癸巳入樓煩關十一年五月幸太原避暑汾  
陽宮八月巡北塞突厥以十萬騎來襲帝馳幸雁  
門突厥攻雁門急帝求救義成公主乃解去

恭帝義寧元年馬邑校尉劉武周殺太守王仁恭襲  
破樓煩進據汾陽宮取宮人以賂突厥僭號天興  
唐高祖武德四年突厥與苑君璋合兵寇雁門 七  
年詔并州總管劉世讓屯兵雁門以禦突厥世讓

寧武府志

卷之十

事考

四

馳赴之突厥大至世讓乃保代州突厥與高道開  
等合攻之城樓壤輒立柵完據久之乃引去  
高宗永淳元年突厥骨咄祿反攻并州嵐州刺史王  
德茂死之

儀鳳中置監牧使於嵐州統樓煩天池元池之監以  
蕃馬牧百官志有樓煩天馬監

明皇天寶十三載安祿山以內外閑廐都使兼領樓  
煩監牧時祿山將反乃陰取勝甲善馬盡歸於范

陽

僖宗乾符五年沙陀李國昌與其子克用叛攻破岢嵐軍後爲唐所敗國昌父子奔鞬鞞克用以鞬鞞萬人僥至太原襲蔚州去屯雁門擾樓煩并汾間城門晝閉不釋鎧甲

魏志載沙陀寇雲朔二州全錄史文不勝煩沓又元和乃憲宗年號武宗紀元則會昌耳亦未考也

五代北漢劉鈞元年城偏頭砦

北漢劉鈞十一年肥遺見於唐故天池縣地

寧武府志

卷之十

事考

五

周世宗顯德元年取北漢嵐憲二州

宋太宗太平興國四年二月保安軍使尹憲與折御卿合攻北漢嵐州克之殺其憲州刺史霍翊擒北漢將馬延忠等七人拔沿河諸砦入朔州界破契丹寧武軍

五年置寧化軍寧化縣七年置火山軍號曰壯城領偏頭雄勇董家橫谷桔槔護水六砦

雍熙三年十二月知代州張齊賢大敗契丹於土陁砦

眞宗景德元年九月契丹圍岢嵐軍高繼祖擊敗之  
仁宗嘉祐六年廢偏頭砦

慶 七年契丹冒占天池廟地知并州韓琦召其酋  
示以舊修廟檄証爲宋地酋無以對乃以斥地歸  
我又侵耕陽武砦琦立石限之初潘美鎮河東徙  
塞下之民於內而空其地不耕忻代寧化火山之  
北多廢壤琦請距北界十里爲禁地其南則募弓  
箭手居之墾田至九千六百頃

神宗熙寧七年火山軍禾間五壟同穎

寧武府志

卷之十

事考

六

是年契丹使蕭禧來議黃嵬山疆地帝使沈括報之  
括至契丹與其相楊益戒議凡六會契丹不能奪  
乃捨黃嵬而以天池請十年丁巳王安石當國勸  
帝許之乃遣韓績如河東割地以界契丹以分水  
嶺爲界東西失地七百里

魏志以今郡西四十里之分水嶺爲宋遼所界  
者然觀宋史初遣劉忱往至境與遼使蕭禧會  
於大黃平議數日不決契丹本指應蔚朔三州  
之分水嶺土隴爲界及行視無土隴禧曰但以

分水嶺爲界則凡山皆有分水無可指據是遼  
宋所劃者未必果此分水嶺也不然史安得云  
東西失地七百里哉但遼旣以天池請則今寧  
化之北亦在其中矣黃嵬在崢南七十里近寧  
化界

建中靖國元年寧化軍地震彌旬晝夜不止壞城舍  
人畜多死

徽宗宣和五年夏與金代遼金以武蔚朔三州歸宋  
欽宗靖康元年三月夏人襲取武州後金復取之

寧武府志

卷之十

事考

七

靖康二年金人取火山軍

遼乾亨元年十月太保矧思與宋兵戰於火山敗之  
遼統和九年八月大獵於盤道嶺

開泰九年大獵於陁山

重熙九年置武州

金天會五年五月取宋岢嵐寧化諸軍

大定二十二年升寧化軍爲寧化州

興定三年十月詔河東忻代寧化諸州並受岢嵐帥

府節制一



三年元兵克武州軍事判官郭秀死之

貞祐三年二月改寧邊州隸嵐州十二月徙武朔民分屯嵐石等州時武州殘毀刺史揚沃入州甫二月元兵來攻二十七日夜不能拔乃退旣而金入知武州不可守乃令沃遷其軍民於岢嵐元太祖十二年蕭特末兒等攻降金岢嵐火山軍十六年以寧化樓煩併入管州至元二年於武州置司侯司

世祖中統四年四月十七日武州隕霜殺稼

寧武府志

卷之十

事考

八

成宗大德五年二月興屯田於寧武與山陰雁門馬邑等凡七屯

英宗至治元年武州雨雪害稼四年武州雪害稼

文宗天歷元年治險阻自雁門崞及嵐武大澗諸處皆穿塹壘石以爲阨塞調丁壯守之

順帝至正三年罷寧化州改爲寧化巡檢司

二十年孛羅帖木兒察罕帖木兒爭冀寧相攻不已明年正月諭罷兵孛羅跋扈不從且多據州縣二十四年七月右丞魏賽因不花討孛羅五月克武

州七月魏賽因不花移鎮偏頭關一方安堵

明太祖洪武二年都督汪興祖等取武朔二州禽元  
知院馬廣等六百三十四人

三年五月元宗室四大王結砦崑崙山中來寇武州  
太原指揮程貴等敗之追至龍尾灣四大王遁禽  
其三大王獻京師

五年增築寧化城延安侯唐宗勝帥千戶唐成等勦  
四大王餘部平之

六年元故將以兵犯武州朔州大將軍徐達使郭子

寧武府志

卷之十

事考

九

興等禦却之

七年設鎮西衛於崑崙屬山西都司置五寨堡省武  
州併入之以爲鎮西五所屯牧之地

十一年正月立寧化所守禦千戶都指揮常守道來  
屯寧化

二十三年改築偏頭關置守備專勅守關  
宣德四年都督李謙來屯置偏頭關總兵官

魏志云成祖永樂二年都督杜忠來屯考忠於  
正統丁卯始以後軍都督守偏關而忠之前則

唯李謙在宣德中其守偏關有拓城建堡之功  
若永樂時絕無見於他書者此通志之失而魏  
乃仍之魏志又云宣德四年置鎮守總兵官於  
偏關提督雁門寧武三關軍務是時寧武尚未  
設關何有三關之名其所記亦誤

七年兀良哈由段家村入犯偏頭總兵李謙設伏黃  
草梁禽其酋長

十年兀良哈寇偏關指揮江海千戶包讓等戰死

正統元年北虜復入寇偏關指揮馬貴等敗其前鋒

寧武府志

卷之十

事考

十

將軍陳懋又大敗之追至蘇武山而還

四年偏關大饑詔墾塞下荒田以實軍儲

十四年七先寇偏關其別部由陽方口入寇南掠忻

州諸處

景泰元年七月七先犯偏頭至五寨堡

天順元年崞縣大饑

成化元年初置兵備道以葉盛爲兵備副使駐鴈門

偏關

勅諭山西整節雁門等關兵備副使代州偏頭

雁門寧武等處界乎大同延綏兩間與豐州東勝等處接壤北賊夏秋以爲巢穴牧住冬春於此過河入套實爲賊衆經行緊要之地今特命爾常川往來前項地方整飭兵備操練軍馬修理城池墩臺隘口監督糧草兼理軍民詞訟禁革姦弊凡事須與各該鎮守巡撫分守守備等官公同計議從長處置毋得偏私執拗致誤事機所屬地方官員敢有違誤不法等項輕則量情懲治重則應拏問者據實奏聞爾爲憲臣尤

須持廉秉公正已率下務使兵威振舉地方有賴庶副委任如違責有所歸爾其慎之慎之故諭

明初設雁門道寧武偏關實所兼統後二道分置此爲之權輿故不以入職官而事考特載之二年初設寧武關築偏頭長城起老營丫角墩至老牛灣二百四十里號爲二邊總兵王璽經紀之十五年火篩部由紅門口入寇小王子大掠偏關十八年罷偏關總兵置分守叅將是年小王子寇偏

頭守備錢能禦之失利

十九年小王子寇偏關破楊勉堡

治元年火篩部入楊勉堡

十一年都御史侯恂請置寧武守禦千戶所掌印巡捕理刑城操等各一員隸山西都司

三關志云寧武初設關則但置所未與偏頭同十四年小王子寇偏頭關十五年復入是年罷叅將置協守偏關副總兵行事視鎮守總兵官

正德七年小王子入犯破黃龍堡寇偏頭總兵神周

寧武府志

卷之十

事考

十一

戰敗於柞子塢守備周鏞及指揮千百戶官戰沒者數人

八年築長城東起渾源州西至寧武因山爲險凡四百餘里明年復築長城起老營之石廟至石梯墩七十里號爲三邊布政陸奎兵備張鳳珏等主之凡三關增堡十八增墩三十有二增料甲士民兵至二萬人是年八月小王子由陽方口入寧武關守備陳經力戰死之遂掠忻州定襄寧化八年六月偏頭寧武八角雨魚大者至三尺許

九年小王子由驢皮窰入犯偏頭又犯黃龍池大掠  
至河曲縣

十年築偏關四墻於城北二里起鷹窩山至教場一  
百二十里兵備張豨主之

十一年小王子由紅門口入寇偏頭總兵郭瑾敗之  
山莊坪斬三百級

十三年九月帝西幸由大同歷老營堡至偏頭關駐  
蹕鎮守太監宅凡十一日渡幸榆林

十六年副總兵紀世楹逐套部之人犯利民堡者戰

寧武府志

卷之十

事考

十三

於塞外大勝而返

嘉靖元年偏關大旱八月不雨地乾丈餘五穀不能  
種餓死盈野

嘉靖七年七月北敵大舉由乾溝等口分道入寇至  
馬站堡老營游擊邵定往禦之於草梁山被困四  
日水絕食盡定一軍盡歿

八年十月俺答入寇至土棚堡副總兵李瑾與戰於  
劉海庄不利乃與游兵合營而進俺答遁走

九年正月俺答由衝川入寇老營栢揚八柳二堡總

兵李瑾先設伏兵龍灣縱擊大破之斬數十級獲良馬百餘自是俺答畏瑾終其任不敢犯

魏志九年正月寇老營乃於其前又云九年正月由陽方口入寇寧武同一事而所入之路與所寇之地互異何哉考之寇老營者實而足信云入陽方口者殆虛語耳蓋失在凡事必欲分列四縣而各記於其下至不可相通者亦必附焉故往往多複雜矣

十一年三關大饑死者相枕十月賑之

寧武府志

卷之十

事考

十四

十二年都御史任洛請自鷗窩梁王達達墩築邊八里二百二十步砌以石

十四年俺答犯寧武南掠寧化三馬營十月復入二馬三馬兩營寧化堡再被掠

十五年八月俺答分道自馬頭山紅門二口入合兵南掠寧武及寺塢馬站諸堡十月復自岩頭溝丫角山入鎮西寧化之間民被其害時李瑾已死副總兵傅鐸率守備揚璲等力戰乃退

十六年北部分道山滑石澗草梁山毀墻入又由平

鹵衛西至老營破賈家馬站韓坪樓溝諸堡南掠至三岔五寨鎮西衛城門晝閉村落幾空

十七年由衝川口入犯八柳樹明年復犯八柳樹

十八年巡撫陳講築長城起陽方口至八角堡斬崖爲墻凡一百八十里復築神池利民二城是年套部入五寨駐兵肆掠明年入寇仍駐其地

十九年八月俺答與諸部入大同塞大同鎮卒陰與約母掠我人畜我不闌汝諸部喜乃越大同由井坪朔州南抵雁門西至寧武燒盤道梁南下入岢

寧武府志

卷之十

事考

十五

嵐鎮西掠興嵐交城文水清源諸縣是月其別部犯黃龍池千戶雷應節死之

二十年俺答由王野梁入掠鵬窩梁時副總兵丁璋已有疾乘輿督戰與游擊周宇皆死焉俺答遂南掠逼太原先是秋八月吉囊由紅門入偏頭掠永興韓坪馬站樓溝攻三岔南下至石州岢嵐歸未出塞而俺答復入則九月事也

是年改偏關副總兵爲總兵官移駐寧武以控要害二十一年設岢嵐兵備道防秋駐偏頭關總督余子



俊築長城起大同中路至偏頭關界凡六百里是年六月俺答入大同經朔代雁門越盤道梁南掠太原七月還至塞掠黃龍池寇偏關叅將張守忠力戰死之百戶張臣張宣亦死詔贈守忠右都督立廟以祀

二十三年都御史曾銑增築邊牆北自利民南至王野梁一百八十里

二十七年俺答寇偏關明年由朔州入至王野梁遂南下深入

寧武府志

卷之十

事考

十六

三十年套部由紅門入掠寺塢永興三岔諸堡至石州

三十一年岢嵐神池地震俺答犯三關縱掠至八角堡巡撫趙時春禦之戰於大虫嶺總兵李涑死焉明年入犯得勝堡至神地

三十三年九月套部入掠五寨攻毀后子窰東西二寨大小燕家庄韓林庄輻車梁諸村落皆被焚掠安堂堡生員馬仲甫家被害一門無遺明年由莜麥川入掠利民南至興嵐

三十八年小王子等由紅門入掠韓坪馬站寺塢三岔五寨攻大辛庄左所雙碾兒寺兒塢羊房紫寨等村堡破之

三十九年偏關大饑市無米穀木皮皆盡俺答寇大同遂至寧武火燒盤道梁由羊川坡踰夾柳樹狗兒澗長驅圍寧武關總兵王懷邦不敢戰棄馬千匹以啖寇而急趨太原聲言繞其前實避之也俺答遂掠攻神池十月犯偏頭把總張士英力戰面死

寧武府志

卷之十

事考

十七

是年設兵備道於鎮城及中路管糧通判本道中軍管糧同知萬億倉大使副使各一是爲寧武道

四十一年正月寇由水泉口入掠諸堡攻三岔五寨毀賀智杏林小河頭後會諸村生員李孔煌一門四十五人皆被殺唯孔煌在城得免

四十三年由水泉口犯偏關大掠八角神池五寨至岢嵐明年秋俺答由丫角山至老營別部由紅門入殺掠甚衆及於保德

隆慶元年俺答數萬衆分三道入東道入井坪朔州

破陽方口抵寧武關中道由老營入西道由紅門  
驢皮等口入長驅掠五寨攻岢嵐屠石州時虜入  
塞已二十餘日大雨連旬虜馬多死皆走歸棄剽  
獲於道官軍無一邀擊者寧武總兵申維岳大同  
總兵孫吳等覘俺答旣去始約進兵然維岳終不  
敢戰事聞維岳論死

三年八月俺答入寇時中國叛人趙全爲虜鄉導引  
之自好漢山入栢楊嶺以攻老營總兵郭琥偵知  
之自寧武一晝夜馳二百里先至設伏以待於是

寧武府志

卷之十

事考

十八

俺答敗歸十二月復由東長嘴乘冰過河犯偏頭  
把總張尚古紀大倉等死之明年十月由刁窩嘴  
乘冰過渡河掠偏頭及樓子河曲諸營

萬 十三年崞縣大饑

十八年崞縣大饑

二十九年山西諸衛旱七月隕霜殺禾靜樂神池皆  
大饑詔免秋稅

三十五年大修盤道梁

四十六年偏關神池地同日大震

崇 二年春寧武營兵趙虎喇等與河曲土寇及三關大盜王剛潛相通將爲亂官捕虎喇誅之然其黨在兵籍者甚衆五年七月有史祿者首以索餉爲名激衆使變大譟於南關目肆殺掠兵徒多從之列隊教場揚言赴代州起事而陰令黨輩四出糾賊勢洶洶幾不測副總兵郜勲與兵備道合謀擒祿斬之於轅門其徒置法者數人事乃定先是虎喇方欲亂時城北關壯繆廟刀忽鳴至祿之變刀又有聲人以爲神兆

崇 十四年大饑斗米銀八錢死者山積人相食偏關民王元士施地埋殍掘坎深廣三丈數日而滿十七年二月李自成攻寧武總兵周遇吉死之城中爲賊所戕殺者數千人

國朝順治六年寧武兵聞大同總兵姜瓖反羣起從賊時文武官吏死者副總兵李吉兵道金元祥通判張國賢把總丘登於是寧武兵闔營攻崞縣大陽堡殺生員張琳李含玉及其父貢生李旦時大恣焚劫明年大軍討平之時偏關人亦應賊副使

徐淳叅將張國纓等皆死於兵及亂定淳等各贈官

八年大饑偏關民婦范氏誘殺人而食之

康熙三年六月偏關河水暴溢壞民舍多溺死者城內水深丈餘

十九年偏關大饑民掘白泥而咽之

二十九年寧武大饑人多餓死

雍正元年六月偏關大水西城門內水深二丈斗米三百錢

寧武府志

卷之十

事考

二十

三年置府縣改設文武員

乾隆十二年正月一日五色雲見於寧武

